

TARIKH	11 / 08 / 2014	SEKSYEN	NASIONAL
MUKA SURAT	18	RUANGAN	

22,320 ikuti kursus perdana

Putrajaya: Seramai 22,320 bakal jemaah haji mengikuti Kursus Perdana Haji 1435H/2014M yang diadakan secara berperingkat selama tiga minggu bermula 8 Ogos lalu di seluruh negara.

Kursus anjuran Lembaga Tabung Haji (TH) itu adalah kursus terakhir untuk bakal jemaah bagi meningkatkan pengetahuan mengenai ibadat haji serta memberikan maklumat kepada mereka sebelum berangkat ke Tanah Suci.

Penerbangan pertama membawa 279 jemaah haji ke Jeddah akan berlepas dari Lapangan Terbang Antarabangsa Kuala Lumpur (KLIA) 27 Ogos ini dan penerbangan terakhir 27 September. Keseluruhan, sebanyak 64 penerbangan akan membawa jemaah haji Malaysia dari tujuh lapangan terbang seluruh negara.

Di peringkat **Wilayah Persekutuan**, kursus disertai lebih 2,000 bakal jemaah haji, dilangsungkan di Masjid Putra di sini, manakala di **Kuantan**, seramai 1,207 orang bakal haji dari Pahang mengikuti kursus sama selama dua hari di Masjid Sultan Ahmad Shah.

Di **Kepala Batas**, seramai 837

bakal haji dari Pulau Pinang mengikuti kursus berkenaan yang dirasmikan oleh Yang Dipertua Negeri, Tun Abdul Rahman Abbas. Ia program akhir selepas dua kursus awal di bawah kendalian TH, iaitu kursus asas dan intensif awal tahun lalu.

Pengurus Besar Kanan Jabatan Haji TH, Datuk Syed Saleh Syed Abdul Rahman, berkata bagi tahun ini, hampir RM3.6 juta diperuntukkan TH untuk mendalihkan kursus kepada bakal jemaah haji seluruh negara bagi membimbing mereka supaya benar-benar bersedia ketika di Tanah Suci.

Sementara itu, warga emas, Haminah Osman, 86, bersyukur terpilih menunaikan Rukun Islam kelima itu pada kali ini selepas menabung menggunakan wang hasil jualan kuih sejak 30 tahun lalu.

"Walaupun usia lanjut, saya berusaha memberi sepenuh tumpuan sepanjang kursus supaya dapat mempermudah ibadat di Tanah Suci nanti. Saya berharap akan terus diberi kekuatan dan kesihatan dalam melakukan ibadat haji dengan sempurna," katanya.



Yang di-Pertua Negeri Pulau Pinang, Tun Abdul Rahman Abbas (dua daru kanan) bersalaman dengan bakal jemaah haji pada Kursus Perdana Haji Peringkat Negeri di Kepala Batas, Pulau Pinang. (FOTO NOR FARHANI CHE AD/BH)



Sebahagian daripada 2,200 bakal jemaah dari Wilayah Persekutuan Kuala Lumpur dan Putrajaya melakukan latihan tawaf dan sai di Dataran Putra di Masjid Putra, Putrajaya.

(FOTO AHMAD IRHAM MOHD NOOR/BH)



Seramai 1,200 bakal jemaah haji memulau kursus Haji Perdana Peringkat Negeri Pahang di Padang Melayu Perbandaran Kuantan, MPK, bersempadan Masjid Negeri Sultan Ahmad Shah 1. Mereka diberi latihan amali termasuk bertawaf, sai dan melontar jamrah.

(FOTO KHAIYU LAMZAN YAHYA/BE)